



Broj: 05-JN1-16-4-TB-5-13/25

Sarajevo, 17.03.2025. godine

Na osnovu člana 64. stav (1) tačka b) i člana 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktorica Direkcije za evropske integracije

d o n o s i:

O D L U K U **o izboru najpovoljnijeg ponuđača**

Član 1.

Na osnovu provedenog postupka nabavke putem otvorenog postupka za pružanje usluga održavanja OWIS informacionog sistema kao najpovoljniji ponuđač izabran je ponuđač ORKA d.o.o. Sarajevo po ukupnoj cijeni ponude od 14.400,00 KM bez PDV - a, sa kojim će se zaključiti Ugovor za predmetnu nabavku.

Član 2.

- (1) Ova Odluka će se objaviti na internet stranici Direkcije za evropske integracije te istovremeno uputiti ponuđaču ORKA d.o.o. Sarajevo u skladu sa članom 70. stav (6) Zakona o javnim nabavkama Bosne i Hercegovine.
- (2) Odluka stupa na snagu danom donošenja.

Obrazloženje

Odlukom broj: 05-JN1-16-4-TB-5/25 od dana 16.01.2025. godine pokrenut je otvoreni postupak za pružanje usluga održavanja OWIS informacionog sistema, za potrebe Direkcije za evropske integracije.

U skladu sa Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), Ugovorni organ objavio je obavještenje o pokretanju otvorenog postupka za pružanje usluga održavanja OWIS informacionog sistema broj obavještenja: 231-7-2-38-3-23/25.

Komisija za javne nabavke (u daljem tekstu: Komisija) je konstatovala da je do krajnjeg roka za dostavu ponuda, na Protokol Direkcije za evropske integracije, prispjela samo ponuda ponuđača ORKA d.o.o. Sarajevo.

U skladu sa Pravilnika o uspostavljanju i radu Komisije za nabavke, Komisija je izvršila ocjenu i odabir najpovoljnije ponude za pružanje usluga održavanja OWIS informacionog sistema, te sačinila Zapisnik sa detaljnim obrazloženjem odabira.

Poštujući tendersku dokumentaciju i Obavještenja o nabavci koje je objavljeno na Portalu javnih nabavki a kojom je predviđeno održavanje E-aukcije, u skladu sa Pravilnikom o uslovima i načinom korištenja E-aukcije, Komisija je konstatovala da je do utvrđenog krajnjeg roka za dostavu ponuda pristigla jedna (1) prihvatljiva ponuda, te na osnovu člana 3. stav (3) Pravilnika o uslovima i načinom korištenja E-aukcije, E-aukcija se ne može zakazati, nego se postupak javne nabavke okončava dodjelom Ugovora.

Stoga, Komisija je dala preporuku direktorici Direkcije za evropske integracije, da donese Odluku o izboru najpovoljnijeg ponuđača ORKA d.o.o. Sarajevo za pružanje usluga održavanja OWIS informacionog sistema te da sa istim zaključi Ugovor za pružanje predmetnih usluga u iznosu od 14.400,00 KM bez PDV-a.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku.


Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, Ugovor za pružanje usluga održavanja OWIS informacionog sistema dodjeljuje se ponuđaču ORKA d.o.o. Sarajevo po ukupnoj cijeni ponude u iznosu od 14.400,00 KM bez PDV - a.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 10 (deset) dana od dana prijema ove odluke.



Direktorica
Elvira Habota

Dostaviti:

1. Ponuđaču ORKA d.o.o. Sarajevo
2. a/a